

بالمقلوب

شعر بالعامية

صداقي نعيم

الطبعة الأولى
الكتاب : بالمقلوب
المؤلف : صدقي نعيم
تصنيف الكتاب : شعر بالعامية
تصميم وإخراج : أحمد عبد الحليم
المقاس : ٢٠ × ١٤
رقم الإيداع : ٢٠١٥ / ٤٦٤٩
الترقيم الدولي : 4 - 045 - 776 - 977 - 978

التجهيزات الفنية والطباعة

دار يسطرون

للطباعة والنشر والتوزيع

طباعة وتوزيع الكتب في جميع أنحاء العالم
المكتبة والمطبعة : ٣ ش صفوت - محطة المطبعة

شارع الملك فيصل - الجيزة

جمهورية مصر العربية

٠١١٥٧٧٦٠٠٥٢ - ٠١٢٢٩٣٠٠٢٩

تصميم و إخراج : أحمد عبد الحليم

رئيس مجلس الإدارة : عماد سالم

جميع الحقوق محفوظة

مقدمة

إن ديوانى هذا ليس مجرد خواطر شعرية فحسب بل هو تجسيد لصراع حقيقى يدور داخلى وداخل كثير من المصريين وبخاصة فى السنوات القليلة الماضية . فقد كنا نعانى طيلة هذه السنين من ذل وجهل وفقر ومرض وتهميش وتكفير وتقسيم على اساس الدين والفكر والانتماء فى ظل حكومات لاتدرك معنى المسؤولية وحكام لا يهتمهم إلا سدة الحكم وحده .

والأخطر من ذلك إنهم كانوا يستخدموا ورقة الدين فى تأجيج الصراعات التى تلهى المواطنين عما يحدث داخل أروقة السياسة والحكم . فصنفوا الناس إلى أصناف عدة . وأطلقوا على كل صنف اسماً . فهذا مسلم سنى وذاك مسلم شيعى . وهذا سلفى وذاك صوفى . وهذا مسلم وذاك مسيحى وهذا علمانى وذاك إخوانى . وهذا بدوى وذاك نوبى . وهذا مجراوى وذاك صعيدى . وهذا مؤمن وذاك كافر . إلى آخر تلك المسميات الخبيثة التى كادت أن تجعلنا ننزلق إلى هوة عميقة لا نستطيع الخروج منها أبداً . لننضم إلى القائمة الطويلة من الدول التى

مزقتها الفتن وأكلتها نيران الحروب الأهلية وسمم أوصالها
الإرهاب الأسود مثل الصومال والعراق وسوريا واليمن
والسودان وليبيا ولبنان وأفغانستان إلى آخر تلك البلدان التي
لم يتبق منها غير اسمها .

ولكن هيهات أن يحدث ذلك فى مصر المحروسة . مصر
التاريخ الممتد بإمتداد البشرية ذاتها فهى أرض مباركة متفردة
عن سائر البلدان الأخرى . فهى البلد الوحيد الذى تجلى الله
عليه لموسى النبى فوق أرض الفيروز سيناء . وهى البلد الوحيد
الذى زاره كوكبة من الأنبياء إبراهيم وإسحاق ويعقوب
ويوسف عليهم جميعاً السلام . وهو البلد الوحيد الذى مكثت
فيه العائلة المقدسة بعد هروبها من وجه هيرودس الطاغية
الذى أراد قتل السيد المسيح وهو مازال طفل رضيع .

ليس هذا فقط ما يميز مصر . فهى أول من عرف التوحيد
فى العالم . وهى أول من حافظ على بقاء الشعوب المحيطة
عندما اشتد الجوع وعم القحط . فانقذتهم حكمة يوسف
الصديق . وهى الصخرة القوية التى تحطمت عليها كل اطماع

الغزاة من الهكسوس قديما حتى الإحتلال الإسرائيلي حديثا .
وهى حائط الصد الذى يقف حائلا بين كل المخططات
الشيطنانية الغربية والأمريكية والصهيونية وبين بلدان المنطقة .

ولكن وحدة هذا الشعب العظيم ويقظته وحنكته حالت
بين مصر وهذا البركان النارى من الأفكار التكفيرية العفنة
التي أرادت تقسيمنا إلى فرق صغيرة معزولة يسهل ابتلاعها
واحدة تلو الأخرى حتى يتم ابتلاع الوطن بأكمله .

واستطاع الشعب أن يدرك سريعا . أن كل ما يحدث حوله
ليس وليد الصدفة فنزل الملايين من المصريين إلى الشوارع
والميادين يعلنون بداية النهاية لكل هذه المخططات الإستعمارية
الجديدة . وكان هتافهم " ايد واحدة " بمثابة زلزال مدوى أحبط
كل العملاء والخونة والمأجوريين . وأذن بيقظة وطنية حقيقية
للمصريين .

ولايفوتنا أن نذكر الدور الوطنى العظيم للجيش المصرى
الذى أعطى القدوة ، وقدم النموذج لما يجب أن تكون عليه
الجيش الوطنية المحبة لبلدانها . فحفر التاريخ إسمه بحروف من

نور كمدرسة للوطنية الخالصة تتعلم منها كل الأمم إلى دهر
الدهور فهو لم يمل يميناً أو يساراً . ولم يلق بالا لاصحاب النفوذ
والقوى ولم يهتز أمام تهديد أو وعيد . بل كان ثابت النظر
على مصر وشعبها . فهب أمام العالم كله ليعلن أن من تسول
له نفسه أن يمد يده بشر أو يغتصب ولو ذرة من ترابها سوف
ترد له يده مبتورة .

وقف الجيش فى ظهر شعبه يحامى عنه ويحميه حتى نال
مطالبه المشروعة من حكام ضلوا عن الطريق الحق . وباعوا
أنفسهم بأثمان بخسة . وعرضوا شعوبهم لويلات الحروب .

ولذلك فلا تتعجب أيها القارى عندما تجد الكثير من
القصاصد فى هذا الديوان تمتدح شعب مصر العظيم وجيشه
الأبى . وتنتقد فى الوقت ذاته الحكومات السابقة على تراخيها
وميوعتها ومواقفها الغير وطنية . وبرودها الأخلاقى . وتجردها
من الإنسانية حتى تركت شعبها تنهشه الأمراض ويجرحه الفقر
ويكسوه الظلم ويغطيهِ الظلام .

وأخيرا إفهموا أيها الفهماء إن مصر التى جعلها الله فى
قلب العالم . هى قلبه النابض . فاذا أصابها أذى تأذى العالم
بأثره . حماك الله يا مصر من كل المعتدين والخائنين والمتأخونين .
حتى يستمر نهر عطاؤك فى التدفق . فانت منارة الحضارة .
ورمز السماحة . وقبلة الوحدة . وقبلة السلام حتى آخر الأيام .

المؤلف : صدقي نعيم مهاود

ثورة شعب

ثورة شعب آهي بتتکلم

يلا أتعلم

ياللي ملئت بالكذب وداني .

زلزال في قلب الميادين يعلن

إن المصري ده مالهوش ثاني .

أسمع صوت الشعب ولكتم

شعب معلم

كشف المستور والمداري .

عامل مظلوم ماشي تدندن

والدم بيصرخ دا الجاني

صح النوم فوق يلا وسلم

وبلاش تتعاطي الزفت ده ثاني

احنا الشعب بلاش تتلون

جرب مره تكون حقاني

مصر خطت قدام

ولا يمكن الزمن

راح يرجع تاني

احنا علي حق بنتكلم

لكن انت

علشان مين بتلا لي ؟!

علشان إرهاب إسود ناره طالقها

تحرق في ديارى

علشان مصر واقفة في زوركم

قولت أبلعها ولا مين داري ؟!

مصر بعينكم روحوا قولوها للى باعكم

كل خططكم تحت آقدامى

موتوا بغیظکم یاللی رهانکم

إن إرهابکم یأکل أوطانی

مصر هتفضل غصین عنکم

مهما عملتم

دا شیء ربانی .

لحد إمتي

لحد إمتي حيفضل حالنا

علي دي الحال ؟!

لحد إمتي حيبقي الدين

خناق وقتال ؟!

لحد ماتنهش منا الفتنة

زينة الرجال

لحد ما يأمر وينهي فينا

واحد دجال

خايف يابندي علي بكرة

بتاع العيال

علي المدرسة والمصنع

والعامل الشيال
خايف الشر يكبر
ويتبدل بينا الحال
ونبقي فرجة وضحة
وقيل وقال ...

تعظيم سلام

تعظيم سلام

لشعب قام

قال كلمته قبل التحدي .

ونزل يعدي

واثق من خطوته .

خرس لسان الألعبان

اللي دوشنا بكذبته

تعظيم سلام

لجيشنا الهمام

علي وقفته صمام أمان

وقت الخطر تحميك بجد عزوته .

عاشق ترابك يامصر

وعشقه سر قوته

فكر تقرب من ولاده .

راح تجرب لسعته

الله ياشعب .. بهر العالم بوحدته

شعب أحمس ومينا

مغروسة فينا نخوته

ممکن ينسي الذات

ولا عمره ينسي مصريته

الله ياجيش

وقفت الدنيا انتباه لحكمته

معلم صحيح وعمر الريح

ابدا ما كسرتة

يصبر صحيح لكنه عارف

أمتي تكون ضربته

مضحية

ليه يابن آدم أخوك مرمي

علي الأرض ضحية ؟!

نهشته الديابة . ولا قتله

سم الخطية ؟!

دمه بيشكي وشكوة المظلوم

عند ربك مقضية .

هو بيصبر كتير لكن يده قوية

تفضح رؤساء وملوك خدتهم الأنانية

وتهد . قصور وبيوت

بالكبر كانت مبنية

وتجيب من فم الأسد حق كل ضحية

حتي لو كان المجرم

رئيس سابق للجمهورية

مصرية

مصرية يابلا دي مصرية .

مصرية عشت

ولا يوم حتصيري منسية

حمل الجبال اتحملت

لا قلت آه ولا بيا .

حتي مع الريح القوية

عمري ما شفتك محنية

قامت بلاد وقعدت

ولساكي يامصر عفية

عظيمة يابلا دي يامصرية

طفت البلاد مالقيت زيك حنية

كبروا الولاد شبعانين وطنية

جاء الإرهاب يتلعبن زي الحية .

إتلقى الولاد صخرة قوية

شاربين من نبعك يا مفدية

يامصنع رجال يانفس أبيه

ياأجمل مثال عرفتوا البشرية

ياغنوة للعطشان أحلي من المية

أصيلة يابلادي يامصرية

شايل جميلك ياحبيبتي

في قلبي وفي نني عنيه

وندرا عليا لأفديكي بروحي

بأغلي ما فيا

ويعلا صوتي بحروفك

مصرية... مصرية .

بالمقلوب

ليه الصورة فيك يابدي
 دايمًا تظهر بالمقلوب !؟
 أكلك أشتريه من الشارع
 وفترينه شيك للمركوب .
 اللي يلعب ياخذ الكاس
 واللي ييزرع قوت الناس .
 فقير بينداس
 ويعيش من ظله مرعوب .
 ليه الصورة فيك يابدي
 دايمًا تظهر بالمقلوب !؟
 الباشا يرقص بالسنجة
 والبلطجي يمسك له طبنجة .

وقانونا ولا عاد ليه لزمه
والكل بايت مغلوب .
المنصب مابقاش كفاءة
والرتبة ما تفض خناقة .
عايز الكرسي من الآخر
طول دقتك هو المطلوب .
ليه الصورة فيك يابدي
دايما تظهر بالمقلوب !?
فرعون سرق اراضينا
ولدا الشعب كله حبوب.
ولم وقفنا وجينا نتكلم
في الميدان خدونا بالطوب
ليه الصورة فيك يابدي
دايما تظهر بالمقلوب !?

لو غلبان مش لآقي دواه

وبيتوجع ويصرخ آه .

مافيش مستشفى تتلقاه

لأجل ما يمحو عنه ذنوب

ليه الصورة فيك يابلدي

دايما تظهر بالمقتوب؟! .

اللي بيخطف بنت صبية

ولا تعرف حاجة في الدنيا .

لجل ما تبقي على دينه

وتزيد فدادينه ينادوله واد حبوب .

ليه الصورة فيك يابلدي

دايما تظهر بالمقتوب؟! .

اللي يحب واللي يسامح

يبقي خاجة حقه مسلوب .

والتي لسانه صليط وجارح

عرقه أصيل من شيبوب .

ليه الصورة فيك يابلدي

دايما تظهر بالمقتوب !؟

ابقي في داري وسط عيالي

والقي تهمة جاية لبساني .

إزاي أمنع واحد جاني

ولا عنديش تصريح مكتوب .

ليه الصورة فيك يابلدي

دايما تظهر بالمقتوب !؟

تنحرق كنايس وبيوت

ورصاص في قلوبنا يفوت .

ويجبلنا واحد هنفوت

ويقتلنا ده كان ملعوب

ليه الصورة فيك يابندي
دايما تظهر بالمقتوب ؟!
حكمة غريبة مش قادر افهمها
واشمعنا في بندي مسكنها
ارفع إيدك معايا ولادعيها
ينصلح حالها وتوب

عشاق الحياة

أحنا الشعب المصري
بنعشق قوي الحياة
لا نحب كثير الشكوي
ولا نعرف قولة الآه
ونحب نشوف البسمة
علي وش خلائق الله
أحنا الشعب المصري
بنعشق قوي الحياة
وننام علي صوت الضحكة
والكلمة الحلوة غداه .
ونزيع بالفرح الألم
اللي معشعش جواه .

احنا الشعب المصري

بنعشق قوي الحياة .

من قبل ما نبني الهرم

ولحنا بنبني الحياة

ومنين ما نطبع قدم

بينبت الخير وياه

احنا الشعب المصري

بنعشق قوي الحياة

ونبوس تراب الوطن

عشان الدم اللي رواه

والدهر ياما انقطم

والكل يهون فداه

احنا الشعب المصري

بنعشق قوي الحياة

مدرسة الدنيا

ليه كل الدنيا ما تحلي

تمرر تاني ؟!

أنساها لحظة أبقي سعيد

وأرجع تاني

أفكر إني رحت بعيد

وأنا في مكاني

ليه كل الدنيا ما تحلي

تمرر تاني ؟!

ناس حواليا حبيب في إيديا

وأنا وحداني

عايش لي عايش لينا

ولا أنا في .. ؟!

ليه كل الدنيا ما تحلي

تمرر ثاني ؟!

عملت كتير ما كنت بخيل

وياك يازماني

سعيت في الخير كنت نبيل

حتي في أحزاني

ليه كل الدنيا ما تحلي

تمرر ثاني ؟!

كفاية علي إنساني شوية

حرام يا زماني

راح مني شبابي

ضاع مني اصحابي

عايز ايه ثاني ؟!

ليه كل الدنيا ما تحلي تمرر ثاني ؟!

منصورة

منصوره بأذن الله .

بأذن الله يابلا دي منصوره .

وعمر قوله الآه

ما راح تقوليها يابلا دي

طول ما الجيش في الصورة .

وشعب ياماحلاة

قبل النداء تلقاه أسود واقفين .

في الصورة منصوره

بأذن الله

بأذن الله يابلا دي منصوره .

بآدين رجال شداد

عاملين إسمك زاد

حالفين يحموا البلاد

من شلة مسعورة
عينهم مليانة وعيد
لو عدو فكر يرفع ايد
راح تترد له مكسورة
منصوره
باذن الله
باذن الله يابلادي منصوره .
أحمس ومينا جدود
نسلهم موجود .
حالفين مجدك يعود
من تاني للصورة .
وحنبني هرم رابع .
اسمع ياللي مش سامع
إرهابكم راح ومش راجع

ومصر حتبقي منصوره .

منصوره

بآذن الله

بآذن الله يابلا دي منصوره .

إرحل يا غراب النحس

بلاش تعكر الصورة

معادش ليك مكان

بعد النسر مابان في الصورة .

جبان

قدام شجعان

أكيد حي عمل عصفوره .

منصوره

بآذن الله .

بآذن الله يابلا دي منصوره

متنازل

نازل والا متنازل ؟!
تفرق كثير المرة دي .
والحق لو عنه نتنازل .
لزمنا إيه في الدنيا دي ؟!
أروح أموت ولا اتنازل .
أكرم وأهون علي .
انا مصري عمره ماتنازل .
واسالوا التاريخ علي .
وفي الشدايد ماتمايل
وعمر راسي ما تطاطي
علي اكتافي العزة شايل

وده طبع ومخلوق في
ودم الشهداء التي نازل
يروى أرضك يابلا دي .
بيصرخ أوعي تتنازل .
لازم تجيب حقي
عشانك يا شهيد أنا نازل
رافع راية بلا دي .
والعزم من الجبين نازل .
يخرص كل الأعادي .

مصر وأهلها

الخير لسة في مصر

وفي أهلها

مزرع فيها الإحساس

من صغرها

والعطف نيل سلسبيل

يروى أرضها

شوقت غيرها كثير

لكن مفيش زيتها

فيها لسة الناس

بتحب بعضها

وعشان حوجة جار

تبيع له عفشها
وقبل ما تاكل الطقة
توزع نصها
الخير لسة في مصر
وفي آهلها
في فرحك تفرحك
من كل قلبها
وفي حزنك تسندك
عزوة شعبها
حتي الوشوش سمحة
ترتاح لها
تنبت جواك فرحة
لو قابلتها !؟

وشمسها الصابحة

تبوس أرضها

وتلون الطرحة

وتفرد شعرها

وتضفر الكلمة

موال علي شطها

تنادي علي الخافين

يتحاموا في حضنها

الخير لسة في مصر

وفي أهلها

وحتفضل نبع الخير

للدنيا كلها

ومدرسة للغير

في كرم طبعها
وجنه في أرض الله
دائما تشتاق لها
الخير لسة في مصر
وفي أهلها

هَيْلا هوب

- هَيْلا هوب . مصر بتنادي
هَيْلا هوب . راجعوا أمجادي
هَيْلا هوب . شمرُوا سواعدكم
هَيْلا هوب . ربي يساعدكم
هَيْلا هوب . مينا يوصيكم
هَيْلا هوب . شبكوا أياديكم
هَيْلا هوب . مسيحي ومسلم
هَيْلا هوب . عمرنا ما نسلم
هَيْلا هوب . روحنا في بعضينا
هَيْلا هوب . مهما حصل لينا
هَيْلا هوب . وليديننا واحدة
هَيْلا هوب . والهنّا واحد
هَيْلا هوب . والماضي عرفنا

هـيلا هوب . في الوحدة خلاصنا
 هـيلا هوب . دوسوا علي الفرقة
 هـيلا هوب . دي الفرقة كربة
 هـيلا هوب . كان غيرك أشطر
 هـيلا هوب . على غيرنا إتشطر
 هـيلا هوب . فاهمين ألاعيك
 هـيلا هوب . والمصري واعيلك
 هـيلا هوب . دي مصر عفية
 هـيلا هوب . وعليكوا عصية
 هـيلا هوب . بس إنتوا إدعولها
 هـيلا هوب . توقف علي حيلها
 هـيلا هوب . وربي يكرمها
 هـيلا هوب . باللي حيصونها
 هـيلا هوب . هـيلا هوب

كفاية ملاوعة

- يا حكومة كفاياي ملاوعة .
قلوبنا من ظلمك والعة .
والفرحة هاجرت أراضينا .
وبايين عليها مش راجعة .
سنين ولحنا بنصرخلك .
وانتي عاملة مش سامعة .
سنين ولحنا بنشكيك .
قوانينك بقت مايعا .
جاية بعد ايه تحاسبيني ؟!
بعد ماتحجز قلبي وضاعت سنيني .
بعد الشر ماتلقي مرتع .

وسمه بيسري في ماصريني .
جاية بعد إيه تحاسبيني ؟!
مش إنتي اللي سبت الجوع يلويني ؟
لما قتلتك إديني لقمة .
قولتيلي أوعي تاني تجيني .
مش إنتي اللي كملتيني وكتفتيني
وبكرباجك لسوعتيني
لما قولتلك إديني حقي
قلتيلي حقك ولا يعنيني
مش انتي اللي عزلتيني وصنفتيني
وقلتيلي دينك غير ديني
لحد الفرقة ما خطي قدمها
وقادت نارها قدام عيني

إسمعيني إوعي تلوميني
للي أنا فيه انت وصلتيني
إسمعي دم البرئ عمال يناديني .
اسمعي صراخ مسكين
بيقول ظلمتيني .
إسمعي الكره عمال يحد سكاكيني
كفاية
اتقي ربك في وارحميني .

كلام الملوك

كلام الملوك .. ملوك الكلام

لا تقدر تزود عليه جرام

ولا تقدر تنقص منه جرام

كلام مملح موزون بالتمام .

يخرج كلام

يرجع منك راكب حصان

وله سولجان

تشوفه تعظم له الف سلام

وتاخذك جلالته تردد تمام

كلامك له هيبتة وله سلطان

يشق البحر ويحي العظام

ويوقف كسيح علي الأقدام
ويفجر نور من قلب الظلام
حقيقي كلامك يارب الأنام
بدء الحياة ومسك الختام
وفلك النجاة وأشهي الطعام
كلام ينخرس . من بعده الكلام .

بلد الهرم

يا مصر يا بلد الهرم

وحضارة كام الف سنة .

إزاي بقينا

نضرب نار على بعضنا !؟

ولزاي قدرنا

نهد دار بنبعد فيه ربنا !؟

ولزاي شبابنا

بتتقتل في وسطنا!؟

ولحنا ولا إحنا هنا

ولا يرمش حتي جفتنا

وكأنهم مش مننا

إحنا اللي علمنا البشر

أصول الجدعة

إحنا اللي كنا نقسم

اللقمة على بعضنا

إحنا اللي معنى الشرف

مأتعرف إلا بنا .

شايفة الكره اللي معشعش في قلبنا

بطلنا نحب حد حتي نفسنا

شايفة الدم

اللي منتور هنا وهنا

شايفة الخراب

اللي حط علي أرضنا

معادش لينا كبير يلما

معادش حتي الضمير يهزنا

راح كل شئ مننا

بقينا نستلف حتي أكلنا
بقينا نتعرف دايمًا بفجرنا
فأكرة مينا لما وحد صفنا
ماكان جعان يبات علي ارضنا
ماكان عدو يقدر يدوس طرفنا
ولسه فينا ألف مينا
عائش وسطنا
يقدر يمشي السفينة
ويرجع ثاني مجدنا
ويغرس الحب الزماني
ثاني في قلبنا
ويبني هرم رابع
أساسه انت وأنا .

نافسہ ریشک

حقك وحقي

ياابن بلدي

حقك وحقي

واخذ الحقوق

مش حاجة سهلة

في البلد دي

لكن عزمت

والعزم من عندك ياربي

مش حسكت تاني لظالم

طالما الحق عندي

ولا عدت أطيب خواطر

ولا أفرط يوم في حقي

ولن شوفتك نافش ريشك

راح أقصقصه أنا بيدي

مسيحي ... ومسلم !

يعني إيه مسيحي ومسلم .
هو الوطن حتقطعوه ؟!
يعني إيه مبنيش كنيسه
هو الصلاة حتمنعوه ؟!
يعني إيه بثير حفضتك
في كل جرم بتعملوه ؟!
يعني إيه أحفظ إيمانك .
وإيماني إنتوا بتهينوه ؟!
ونيجي نتحاسب تحاسب
كل واحد علي دين أبوه .
ده مجرم مؤمن طلعه .

ودا مجرم کافر إعداموه
میزانکم مایل یاریت تعدلوه
وقبل مایطعن کلامکم
إبقوا حاولوا تستطعموه .

المشروع

سؤال محيرني

ليه شاب وفي سني

مالوش مشروع

شمرت دراغي

وقلت آبني

قالولي البناء ممنوع

قلت ازرع أرضي

ودي عرضي

قالولي موت م الجوع

ماسكتش ورحت أشكي

قاموا كسرولي الضلوع

قولت القانون يجيب حقي

لقيتني علي القفا ملسوع
بصيت حوالين مني
وعنيه مليانة دموع
ورحت قايل في سري
محروق أبو المشروع
ليه يابلد كل سكك
مكتوب عليها الرجوع ؟!
وكل ما أنوي أتقدم
يكعبلني روتين جريوع

فك التكتيفه

فك التكتيفه يلا
ولرمي وراك الأعذار
بلا خيبة كفاية مرة
رمينا نفسينا في النار
ليه ترضي بعيشة مرة
ولنت في إيدك قرار
خطي وقول إنشالله
حنكمل المشوار
فك التكتيفه يلا
ولرمي وراك الأعذار
ولفتكر إنك مرة

سبت غيرك يختار
وكانت مرة . مرة
شربنا فيها المرار
إتجدعن لو حتي مرة
فكر قبل ما تختار
فك التكتيفة يلا
ولرمي وراك الأعذار
واقف ليه تستنا
ماشبعتش إنتظار ؟!
العالم بقي قدامنا
ولحنا عمال ننهار
عشان بنرمي ودانا
للي بيلعب بالنار

فك التكتيفة يلا
ولرمي وراك الأعذار
طول ما الإرادة حرة
ومليانين إصرار
راح يبقي بكرة أحلي
وليلنا راح يبقي نهار
والفرقة راح تفارقنا
مافيش تاني إنكسار
فك التكتيفة يلا
ولرمي وراك الأعذار .
دي مصر في عيونا جنة
أرض شهداء أبرار
ضحوا بالدم عشنا

عشان نعيش أحرار

ونظرة في عيون ولادنا

بتنادي إنزل إختار

فك التكتيفة يلا

ولرمي وراك الأعذار

بذرة لله

بذرة خير بزرع فيها

من كام ألف سنة

وبذرة شر رماها واحد

مش مننا

كبرت قوام وطعم المرار

لسه في حلقنا

عشعش فيها الفساد

وطلع لسانه لنا

ضحك علينا العباد

وتلف عقانا

بقينا مش عارفين

راسنا من رجلنا
الغظ بقي صح
والصح تاه وسطنا
والكفر بقي تهمة
كل اللي يخالف رأينا
والدم بقي هم
محطط عزما
هان الوطن
لما هنا علي بعضنا
واقفين بنتفرج
وهو بيضيع مننا
عمال بيصرخ
واحنا ولا إحنا هنا

زي الديوك
عمال بناكل في بعضنا
ولا خدنا عبرة
من اللي حصل لنا
مستنين دجال
يجي يتاجر بحلمنا
مستنيين فرعون
يجي يمصمص دمنا
إصحوا يا مصريين
دا الوقت وقتنا
تعالوا نشبك إيدينا
دي هي درعنا
ونقلع النبت الشيطاني

من أرضنا

تعالوا نترمي من تاني

في أحضان بعضنا

تعالوا نلغي من قاموسنا

كلمة أنت وأنا

تعالوا لمرة واحدة ناخذ قرارنا بنفسنا .

حصوة ملح

الكل ماشي
ومصر بس اللي قاعدة
ياللي الكراسي
في قلوبكم قاعدة
ومافيش في عينكم
حصوة ملح قاعدة
الدنيا قائمة
علي بلدكم وقاعدة
وانتوا بتتعاركوا
مصالح مين تكون قاعدة
الله ينتقم منكم

مصر علي صدوركم قاعدة

وبكرة راح تلعن سيرتكم

أحفادكم اللي قاعدة

وأدينني تاني بقولها لكم

مصر ببيكم ومن غيركم

راح تفضل قاعدة

حلم شیطاني

حاجة مبعدة عني منامي .
 إرهابي أنا ولا إخواني ؟!
 ومصر دي إيه بالنسبة لي ؟!.
 سكن ورغيف ولا دي اوطاني
 أسئلة جنت في جناني .
 ليه للغرب فاتح أحضاني ؟!
 وكلام ناسي سادد له وداني .
 وليه مغموس في الكذب لساني ؟!
 وليه بتدوس علي الدم اقدمي ؟!.
 هو أنا مصري ولا أفغاني ؟!
 كاره ليه الناس مسلم نصراني ؟!

مليانة ليه الرأس بحاجات خبلاني ؟!
حتي الأنفاس مابقتش عشاني.
عشان البيه الأمريكاني .
أعوز بالله ده فكر شيطاني .
مين غيبيني ومين خلاني .
خنجر مسنون في ظهر أوطاني .
عشان طرطور بالشر غواني .
سامحيني يامصر ماعدتش تاني .
أسلم دقتي لحد إخواني .
أنا مصري وأموت عشان أوطاني
وعمري ما أفوت حبه إللي رواني .
حتي وأنا غايب كان يرعاني .

ويفوت لي النايب ويقول جاي ثاني .

لحد ما عطفه ردى له ثاني .

تعالى يامصر ثاني لأحضاني .

تعالى

محروم منك وبعاني

يادهب وياقوت وهم عالي

ياحلمي لبكرة وحلم عيالي .

الحظ خانك

يا ليلي فرحان بنار
بتحرق في جارك
بكره يرميها التيار
في عقب دارك
وتتحرق بيها
ويفرح فيك جيرانك
ساعتها بس
تتمني الحظ لو خانك
ما أنت اللي طالق الغل
يرمح في دارك

ويحد إنياه

وياكل كل يوم في شبابك

وأديك اليوم

يتحصد من شر أعمالك

حكاية مصري

أنا اللي قلبه موجوع

علي بلده وعلي ولده

أنا اللي بين ضلوعه

هموم ثقيلة إتولدوا

أنا اللي صوته إتنبح

عشان حفيد جاي بعده

أنا اللي عارف إمبراح

وخايف بكرة . يكون شبهه

أنا اللي فضلت واقف

وقت المطباتية ما قعدوا

أنا اللي خت قرار

أجيب حق

كل اللي إنظلموا
أنا اللي خدت بتار كل شهيد
الغدر بلعوا
أنا اللي كنت للفسدان
عمله اللي تعبته
أنا اللي نزلت الميدان
لحد الخونة ما إنطردوا
أنا اللي بنيت وعليت
لحد ايديا ما اتبردوا
أنا اللي بكيت وصليت
عشان العرب يتحدوا
أنا حكاية مصري
عمر الزمان ابدأ ما غلبه .

حال الدنيا

ليه يادنيا رافعة لنا حواجبك ؟!

ومحدث عاجبك

وكل ماقول نتصافي القائي

واحدة علي خاطرك .

مرة تقفلي في وشي ابوابك

ولا علي بالك

ومرة تطلقني علي كلابك

يشندل بالك

مالك ومالي

ليه كرهاني ؟!

وحطاني في راسك .

سيباني أعاني
وأصرخ وألالي
وأداوي في جراحك
صغرتيني قدام عيالي
وختي مالي قولت مالك .
حتي النعمة اليايسة في أيدي
دايما تحلاك .
وكل مالبس هدمه تداري
تقولي مجايبك
قدامك الخلق . فضحتيني
يحرق مجايبك
مش عايز حاجة منك
روحي إدي أحبابك

كفاية مرار زهقتيني

من كتر مصاييك

والقرش اللي بعرق جبيني

غانيني عن سؤالك .

يكفيني ربي مكفيني .

الله يصلح حالك .

لعب عيال

حكومة بتسلم حكومة

والماتش لسة شغال

عملانا في رجليها كورة

والحال علي دا الحال

جوع ومرض وطاحونة

داير فيها السؤال

إمتي ترحل البومة ؟!

ويتبدل بينا الحال

ونشوف شغل رجالة

بجد مش لعب عيال .

الله علي الحب

الله . الله . الله

علي الحب في أرض الله

ينبوع شهد ما أحلاه

يروى قلوب خلائق الله

الله . الله . الله

علي الحب في أرض الله

بلسم شافي لكل آه

تبارك صنعك يا الله

الله . الله . الله

علي الحب في أرض الله

نبذة خير تدي حياة

لکل وحید فی شکواه

اللہ . اللہ . اللہ

علي الحب في أرض الله

الكروان غني ولحنا وراه

اللہ . اللہ . اللہ

علي الحب في أرض

اللہ

علي بركة الله

يأللي نويت تاخذ القرار
علي بركه الله . سير
طول ماواخذ في الإعتبار
إن البند دي فيها فقير
داق الذل وشرب المرار
لاجل المركب تاني تسير
وهو اللي قام وهو اللي ثار
وقت ممات فينا الضمير
خد سبحته ليك منار
لاجل الظلم لا يخذك آسير
ويولي الكرسي اللي تحتك فرار
مع أول صرخة يصرخها الفقير

حوش ... يارب

الأماكن نفس الأماكن

والوشوش نفس الوشوش

أمال إليه بس التي حاصل

طعم الحياة بقي ليه مغشوش !؟

حتى الضحكة الحلوة ماتت

مش باقى غير صفار مرشوش

حوش يارب حوش

كله بينهش فى كله

غابة ومليانة وحوش

وعينين عاميتها المصالح

مش شايقة غير القروش

حوش يارب حوش
أخ بيقْتل أخوه
والدم على الارض مفروش
وصبية بتنهشها ديابة
وبتصرخ ولا حد يحوش
حوش يارب حوش
بنى أدمين بتدوس النعم
وتربى على الغالى كروش
وبنى أدمين بتبوس الجزم
مش لاقية كسرة قرقوش
حوش يارب حوش
سيرتنا اللى كانت بين الأمم
نغم ونار على علم

تشتهيها . كل النفوس
بقت مغموسة في حزن وألم
وغطى جمالها كثر الرتوش
حوش يارب حوش
عينينا اللى كانوا بيضحكوا
ولا يبكوش
من كتر الهم إتنفخوا
ومن دمعهم ما بينشفوش
حوش يارب حوش
مصر اللى كانت متوحدة
وعمر أهلها ماتفرقوش
دلوقتى ولادها متبعدين
متقسمين

میت ألف صنف

میت ألف دين

لحد ما طمعوا فينا

الوحوش

حوش يارب حوش

غلبان

- غلبان ونفسه يا ناس .
يعيش غربته إنسان .
مكروه من دنيته
مع إنه مش طمعان .
مكتوب على سحنه .
إنه يعيش شقيان .
ينداس عشان لقمه .
ولا عمره بات شبعان .
رابطاه حبال شهوته .
منيته يعيش إنسان .
غلبان ونفسه ياناس .
يعيش غربته إنسان .

- دهن الصفار كلحته .
ولنبرى عوده حرمان .
من كتر النهش فى فروته .
شايى نفسه عريان .
ماشى يمت فى هدمته .
خايف لجسمه بيان .
لحد الناس ما عزلته .
قالوا عليه جريان .
غلبان ونفسه ياناس .
يعيش غربته . إنسان .
كاتم جواه شكوته .
ومتلفح بالأحزان .
من كتر حاضر ونعم .
نسى باقى الحروف اللسان .

ليه الصحاب قطعته
والاهل والجيران ؟!
وبسيف الكلام جرحته
ودبحته نظره نقصان .
دا رغم شدة بلوته
مامدش يده لإنسان .
غلبان ونفسه ياناس .
يعيش غربته إنسان .
بيصرخ وصوت صرخته
بيدوى فى كل مكان .
بس الزمان قاسى
ولصرخته طرشان .
صحيح خسيس يازمن .
وأبدا مالىكش امان .

بتصاحب الخاين وتيجى .

على الغلبان .

وتعض فى الطيب .

وتطيب خاطر التعبان .

إزرع مسيرك حتحصد .

ومن أعمالك تدان .

وساعتها مش راح ينفعك

غير دعوة واحد غلبان

غلبان ونفسه ياناس يعيش

غربته إنسان ...

ضيف

أنا جاي الدنيا ضيف

علي مايده ربي المعبود

لا شايل هم بكرة

ولا خايف من معبود

عمال أغرف وادي

من جود ربي باجود

أتاري ربي بيدي

اللي علي غيره يجود

حقك

حقك دا من حقك

اوعي تفرط فيه

لو شوفته في إيد

غير يدك

إجري ولمسك فيه

ياتجيبه ويعرف إنك

راجل قادر تحميه

يا تسيبه يروح

ويفارقك

ولا تعرف تعتر فيه

الإحساس

- عديم الإحساس علي الناس نقمة .
لو شاف فقير منداس يعمة .
عايش في الدنيا وخلص . جبلة .
صحيح الإحساس ياناس . نعمة .

النيه

- حل المشاكل ماهواش مرار .
ولا هي فهنوة من صاحب القرار .
حل المشاكل علم إرادة إصرار .
إنوي انت بس
تلقي الجبال قدامك بتهار .

خفافيش

خفافيش مولودة في الضلّة.

عائشين علي مص الدم .

في الدنيا ولا ليهم لازمة .

غيرش تعكير الدم

واخذينا من أزمة لأزمة

جارينا من هم لهم

جابلونا السكر والجلطة .

ورفعولنا ضغط الدم .

المصالحة

يااللي بتقولوا المصالحة
كفاياكوا شغل مصالح
ازاي مع إيدين جارحة .
ممكن يا عالم نتصالح
الا عيبكم بقت ماسخة
خدتوا الصالح مع الطالح .
كفاياكوا حواديت بايخة
قرفنا من وشوكوا الكالح

سلك زياده

عجايب الدنيا سبعة

اعظمهم الهرم .

ولكل دوله قامة

وبلدنا فوق القمم .

شعب ما يعرف هواة

مليان عزم وهم .

وحضاره سكر زياده

بتحلي ريق الأمم

منافع

ليه ماينفعش نحب بعض من غير منافع ؟!
ليه ورا كل كلمة حلوة ميت ألف دافع ؟!
ليه ساعه الجد مالتقاش حد عن حقي يدافع ؟!
أتاري الأحساس مات ولا عدش نافع

إحتياج

كلنا إحنا البشر
في أشد الإحتياج
ليد تزيج الخطر
توقف نزيج الإحتياج
تزرع حق ياما إنفطر
بعصاية وكرباج .
وتسكن في قلوبنا الأمل
بروشته علاج

عصافير

افرد دراعاتك للحياة

زي العصافير .

وبكل جهدك أمسك فيها

لحسن تطير

أوعى في يوم تشوم ليها

مش فاضل كتير .

واللي كسا الورد ألوان

بكرة راح يكسيك حرير .

نور عينية

مصر دي روجي ونور عينية .

أحميها ولو سلطوا سيف علي .

أموت إيه يعني أموت .

بس تفضل هي

بلاش تماطل

تساوي حياتك

إنك تناضل

إمسك نجاتك

بلاش تماطل

وفتش في ذاتك

إيه تاني فاضل ؟

وارمي النجاسة

وكل الرذائل .

وأرفع صلاتك

تنال فضائل

غفران الهك . من غير مقابل

بالسكينة

عجبي علي سنين واخدانا

مش عارف فين

الغلط بقي صح

والصح عايش مسكين .

وان رفعت صوتك

تندبح بالسكين .

أفراح

مفیش حد فی دنیته مرتاح
الدنیا کلها کد وتعب وجراح
صبر نفسك بکلام ربك ترتاح
لما تعرف إن الله جاي
... كله أفراح

جمل لسانك

صحيح أخذ الحق صنعة

والغلط في الكلام يزيد

في النار اللي والعة

جمل لسانك بخلو الكلام

وأوعى.....!

تغريك في يوم شدتك

دي شدة الكلمة واعرة .

صدق الوعود

بالإسم انت عايش

ولا ليك وجود

ميت بالخطية

وحايس وراء اللحد

باطلب من ربي يهدي

وتقدر تعود

يغسل ذنوبك

وتفرح بصدق الوعود

بلاش

بلاش تقف مكتوف الإيدى وتستنّى
بكرة اللي جاي عمره ما راح يستنّى
يا تجري وتسبق بخطوتك يا تستنّى
لحد ما تشوفك دنيك عيون تانية

كاديه زفه

كاديين زفه

وساعة الجد ما تلاقي .

يميل بختك

دور مين يعدلوا ما تلاقي .

قدم الخير

واحسن عملك تلاقي .

عملك الطيب

وسط الشدايد

هو اللي باقي .

رومانّة الميزان

يا عرب سرقاكم السكينة
دي مصر رومانّة الميزان .
لو مالت في يوم بينا
. ضعنا وضاع الريان
زقوها تاني للمينا
عروبتنا في أشد إمتحان
مش عارفين مين فينا
راح يغدر بيه الزمان
يانوقف ونشبك إيدنا
يانكون في خبر كان

الرئيس

يأللي رايج تختار رئيس
خلي بالك
أوعي من واحد هجيص
يضيع حقك وحق عيالك .
أو تاجر بالدين رخيص
يطلع ميتين ايمانك .
إختار اللي علي بلده حريص
وياما ضحي
عشان بلادك .

عرش مصر

عرش مصر ما يهزه
واحد باع نفسه للأمريكان
وجيش مصر ما يهده
مؤامره خسيسه من جبان
دا المصري صخر مين قده ؟!
واقف يتحدي الزمان

اللت والعجن

كثر الكلام خيبة
واللت والعجن مصيبة
وعيب إن شايب بدقن
وعامل بيعرف دينه
يعمله الإرهاب مسخة
ويضحك عليه عبده

كنوز

صحيح معرفة الناس للناس كنوز .

أوعي في يوم تجافيههم

أو حتي تضرب بوز .

وشيل الشيله عنيههم

انت اللى راح تفوز

وبحبهم راح تشبع

ولا عمرك فى يوم تعوز

الغاز

عجبي عليك يا زمن
ياللي حكمتك أَلغاز
خلّيت كبير الحضارة .
من ابن أمبارح يتغاظ
والمية رمز النضارة
أرخص من لتر الجاز
والجاهل عشان نضارة
ينادوله يا أعظم أستاذ .

الدولار

الأولة آه

والثانية لاه

والثالثة ياولداه

الأولة آه علي ثلاثين سنة

ضاعت من عمرك يابلا دي هدر .

والثانية لاه لا خواني تاجر بدمك وخانك وغدر

والثالثة ياولداه علي اللي عاملين ثوار

وتمن حناجرهم دولار

نار علي علم

قالولي إيه عاجبك في مصر

أنا قولت الهرم .

قالولي طاب وناسها

قولت أصل الشهامة والكرم

قالولي إدينا أماره

قولت اسمها لوحدہ

نار علي علم .

معادن

الناس معادن
ولكل واحد مواقف
ووقت الشدايد بيان
اللي خان واللي في كتفك واقف
والتعبان الالعبان
اللي علي الغلظه ليك واقف .
أوعى تديله الأمان
خليك دايماً ليه واقف .
بكرة حتجيبه الأيام
ما بين ايديك واقف .

فضائيات

فضائيات . فضائيات

عري وعار مين قال هات .

أملّي ودانك بالشهوات

عيش أحلامك دا الخشي مات .

بكرة حتندم علي هيافات .

ضاع فيها عمرك وولي وفات .

الفهرس

٨	ثورة شعب
١١	لحد إمتي
١٣	تعظيم سلام
١٥	ضحية
١٦	مصرية
١٨	بالمقلوب
٢٣	عشاق الحياة
٢٥	مرارة الدنيا
٢٧	منصورة
٣٠	متنازل
٣٢	مصر وأهلها
٣٦	هيلا هوب
٣٨	كفاية ملاوعة

٤١	كلام الملوك
٤٣	بلد الهرم
٤٦	نافش ريشك
٤٨	مسيحي ... ومسلم !
٥٠	المشروع
٥٢	فك التكتيفة
٥٦	بذرة شر
٦٠	حصوة ملح
٦٢	حلم شيطاني
٦٥	الحظ خانك
٦٧	حكاية مصري
٦٩	حال الدنيا
٧٢	لعب عيال
٧٣	الله علي الحب
٧٥	علي بركة الله
٧٦	حوش ... يارب

٨٠	غلبان
٨٤	ضيف
٨٥	حقك
٨٦	الإحساس
٨٧	النيه
٨٨	خفافيش
٨٩	المصالحة
٩٠	سكر زيادة
٩١	منافع
٩٢	إحتياج
٩٣	عصافير
٩٤	نور عينية
٩٥	بلاش تماطل
٩٦	بالسكين
٩٧	أفراح
٩٨	جمل لسانك

٩٩	صدق الوعود
١٠٠	بلاش
١٠١	كاديين زفه
١٠٢	رومانه الميزان
١٠٣	الرئيس
١٠٤	عرش مصر
١٠٥	اللت والعجن
١٠٦	كنوز
١٠٧	ألغاز
١٠٨	الدولار
١٠٩	نار علي علم
١١٠	معادن
١١١	فضائيات

